

KANADA

NUNAVUT

INUNGNUT AANNIAQTAILINIRMUN MALIGAQ, S. Nu. 2016, c. 13

**PIQUITJUDI MIGHAAGUN NUNAVUNMI AVATINUN IHIVRIURNIRNUN KATIMAJIINNI
INUNGNUN KATIMAPKAITJUTI (#2)**

KANGIQLINIQ

TALVANI:

- A. Minista Aanniaqtailinirmun uqariiqtuq Inungnun Aanniaqtailinirmun Qilamiurutaujukkut atuliqtumi Maatsi 20, 2020 ilitturipkaiyumaplugu novel coronavirus COVID-19 qalagjuarnirmik hiamitirnia, nutaanguffaangniarunaqhijaallu una uqariijaut tamainni naatigaiqpata 14 nik ublunik pidjutihimapluni Inungnut Aanniaqtailinirmun Qilamiurutaujumut;
- B. Malikhugu ilangani 41(1) *Inungnut Aanniaqtailinirmun Maligaq*, Atannilluaq Inungnun Aanniaqtailinikkut Havakti qanurliqaak qanuriliurniaqtuq, ilaujullu hivulliurutikhanik pitquidjutinikluunniit pidjutikhanik hapumminikkut inungni aanniaqtailidjutianni pipkaqtailinikkut, ihuarhainikkut igattaqtittailinikkulluunniit hulaqutinik uvani Inungnun Aanniaqtailinirmun Qilamiurutaujumut; imaalu
- C. Nunavunmi Avatinun Ihivriurnirnun Katimajiit miitqvikhaqaliqtun Inungnun Katimapkaidjutimik mighaagun uumani Meliadine Ujaraghiurvingmi Tariuqaqtumik Imarmik Kuvinirmik talvunga Imakkut Avatingani havaktami tukhirutimi pijukhaq talvani June 14-17, 2021 Kangiqlinirmi (una “Inungnun Naalakvikhaq”); imaalu
- D. Atanilluaq Aanniaqtailinirmun Havakti naammagijaa Nunavunmi Avatinun Katimajiit ihuaqtumik havakpaktut hapumijaami inungnik aktungittaanginnik noval coronavirus COVID-19 qalagjuanirmit;

TAIMAATUN, Atannilluaq Inungnun Aanniaqtailinirmun Havakti pitquijuuq hapkuninga:

1. Inungnun Katimapkaidjutit ilaungittun uumannga katimajaqtuqnikkut anginikkut kikliqarutainnin ittun uvani ilangani 6 (b) uvani *Pidjutimun Mighaagun Inungni*

Ahiqpaniilvighaitigun Katimadjutikkullu (#4) tunijauhimajuq Haamlanganun Kaniqliniup June 3mi, 2021.

2. Ilaujukhat uvani Inungnun Katimapkaidjutimi kikliqarniaqtuq avatquhimaittumik 75nik inungnik tamainni miitirviinni, ilaujullu katimajaqtuqtun havaktiillu.
3. Tamaita inuit ilaujut Inungnu Katimapkaidjutimi atimajukhat ivjarutimik akuliamulluunniit matukhamik taimaatun naunaijaqtauhimajumi ilangani 14mi uvani *Pidjutimun Mighaagun Inungni Ahiqpaniilvighaitigun Katimadjutikkullu (#4)* tunijauhimajuq Haamlanganun Kangiqliniup.
4. Nunavunmi Avatinun Katimajiit atuliqtittiniaqtaa COVID-19 qalagjuarnikkut Kiudjutikhanut Hivunikhaq ubluqaqtuq Aakassi 21,2020, ilaliutihimajuq imaa Naunaitkutimi "A" pijdutijuqlu ilanganik uumani Pitquidjutimi.
5. Tamaita aallat pivikhaqaqtut uumani *Pidjutimun Mighaagun Inungni Ahiqpaniilvighaitigun Katimadjutikkullu (#4)* tunijauhimajuq Haamlanganun Kangiqliniup atuqtauraanginnarniaqtun uumani Inungnun Katimapkaidjutimi.
6. Nunavunmi Avatinun Katimajiit iliurarniaqtuq aajjiliuqtauhimajumik uumani Pitquidjutimi inuit ihivriuqtakhaanik katimavingmi.

Una pidquidjutit atuliqtuq uvani 12:01 ublaami CDT (UTC-5:00) uvani June 14, 2021 nunguttuqlu uvani 11:59 unnuami CDT (UTC-5:00) uvani June 17, 2021.



Dr. Michael Patterson

Atanilluaq Nunallaani Aanniaqtailinikkut Havakti

NAUNAITKUTI "A"

**NUNAVUNMI AVATINUN KATIMAJIINNI COVID-19 QALAGJUARNIKKUT KIUDJUTIKKUT
HIVUNIKHAQ**